



KOMISAUN INFRA-ESTRUTURAS

RELATÓRIU VIZITA MUNISÍPIU COVALIMA

Prepara husi:

Justino Babo

Gui Daniel



KOMISAUN INFRA-ESTRUTURAS

RELATÓRIU VIZITA MUNISÍPIU COVALIMA

Programa Atividades Fiskalizasaun

Lejislatura 2018-2023

Sessaun lejislativa 2020/2021

Díli, 20 Fevereiru 2020

RELATÓRIU VIZITA MUNISÍPIU COVALIMA

Sumáriu:

- I. Introdusaun;**
- II. Autorizasaun;**
- III. Kompozisaun Delegasaun;**
- IV. Objetivu Vizita;**
- V. Programa Vizita;**
- VI. Konkluzaun;**
- VII. Rekomedasaun;**
- VIII. Aprovasaun;**

I. INTRODUSAUN

Tuir alínea b) número 3 husi artigu 95.^º número 3 artigu 145.^º Kontituisaun Repúblika Demokrátika Timor-Leste, no alínea c) artigu 35.^º no artigu 79.^º Rejimentu Parlamentu Nasionál, fó kompetensia ba komisaun Espesializada Permanente sira atu halo fiskalizasaun ba prosesu dezenvolvimentu nasionál iha parte polítikus, administrativus no apresia mos atus Governu nian;

Vizita trabalhus ba Munisípiu Covalima ida neé halao ho objetivu atu akompaña no fiskaliza andamentu projeitus fízikus no obras hotu-hotu ne'ebé lao hela durante neé (*on-going*) iha terrenu;

Nune'é iha loron 11 - 15 Fevereiru 2020 Komisaun assuntu Infra-estruturas hala'o fiskalizasaun ba Munisípiu Covalima. Vizita ida neé permiti Komisaun E atu hasoru malu ho autoriedade, ofisial lokal no komunidade sira iha terrenu, no bele mos hatene

no akompaña andamentu progressu fíziku no ezekusaun finanseiru ba implementasaun projeitus, hodi identifika difikuldades no evolusaun projeitus iha terrenu;

II. AUTORIZASAUN

Iha vizita téknika ida neé, halao tuir Planu atividade Komisaun Assuntu Infra-estruturas nian, ne'ebé aprova ona iha reuniaun Komisaun Infra-estruturas iha Iorón Kuarta-feira, 05 Fevereiru 2020, no mos hetan autorizasaun husi Prezidente Parlamentu Nasional liu husi **despassu PPN Nu.....**

III. KOMPOZISAUN DELEGASAUN

Delegasaun vizita ba Munisípiu Covalima Kompostu husi:

- 1.** Deputadu Abel Pires da Silva (Prezidente)
- 2.** Deputadu Marcos Xavier (Vise Prezidente)
- 3.** Deputada Maria Anabela Sávio (Sekretária)
- 4.** Deputada Irene Gonzaga Sarmento (Membru)
- 5.** Deputadu Domingos Carvalho de Araújo (Membru)
- 6.** Deputadu Mariano Fatubai Mota (Membru)
- 7.** Deputadu Fabião de Oliveira (Membru)
- 8.** Deputadu Adriano do Nascimento (Membru)

Akompaña husi Tékniku Komisaun Infra-estruturas, Eskoltas nain rua nomós Jornalistas na'in rua husi Grupo Media Nasional (GMN-TV).

IV. OBJETIVU HUSI VIZITA

Vizita ida neé ho objetivu atu recolla informasaun kona-ba projeitus Infra-estruturas hodi aumenta informasaun ba Deputadus sira, relasiona ho implementasaun projeitus no nia progressu obra fiziku ne'ebé halao hela iha terrenu, liga ho ezekusaun orsamentu Jeral Estadu ba tinan 2019-2020. Além de ida neé, atu haré diretamente ba situasaun tomak relasiona ho dezenvolvimentu Infra-estruturas bazika hodi responde ba ezijênsias nesessidades, lamentasaun no preokupasaun husi sidadaun sira, relasiona ho kondisaun projeitus Infra-estruturas bázika husi Governu ne'ebé halao hela iha área Munisípiu Covalima.

V. PROGRAMA VIZITA

Vizita téknika neé tuir ajenda ne'ebé desidi ho programa hanesan tuir mai neé:

1. Halo fiskalizasaun iha Suku Dato-rua, Postu Administrativu Fohorem, Munisípiu Covalimai liga ho projeitu eletrisidade;
2. Sorumtu ho Administradór Postu Administrativu Fohorem, Komunidade no Kompaña sira;
3. Projeitu foun estrada Tilomar-Fohorem implememnta ona maibe, seidauk iha kontratu no la tama iha lista 143;
4. Hare progressu manutensaun ba auto-estrada Postu Administrativu Zumalai – Covalima Vila;

V.1 Halo Fiskalizasaun iha Suku Dato-rua, Postu Administrativu Fohorem, Munisípiu Covalima;

Fiskalizasaun Komisaun nian iha Postu Administrativu Fohorem, ho total Suku 4 ne'ebé kompostu husi Suku Dato-rua, Suku Dato-tolu, Suku Fohorem no Suku Lactos. Iha vizita Komisaun nian ida neé, delegasaun mos hasoru malu ho komunidade Suku Dato-rua,

ho total populasaun 1.120 pessoas ne'ebé, iha tinan barak nia laran hahú husi tempu okupasaun Indonézia nian hodi to'o mai iha era ukun a'an ida neé, suku refere laiha asessu ba liña distribuisaun eletrisidade. Situsaun neé mosu tamba área refere hanesan mos área izoladu. Haré ba preokupsaun povu iha suku refere maka, mosu hanoin ida husi parte kompaña lokal hodi hahú konstrui dadaun ona projeto eletrifikasiсаun ba komunidade sira desde tinan 2017. Mesmu-ke kompaña konstrui ona obra refere ho nia percentagem 100% desde 2017 Maibe, to'o agora komunidade sira sei preokupa nafatin tamba liña distribuisaun eletrisidade seidauk lakan, mesmu ligasaun eletrisidade rasik to'o ona ba iha komunidade sira nia uma.

Iha vizita fiskalizasaun Komisaun nian neé hetan mos akompañamentu husi parte Tékniku husi Ministeriu Obras Publikas no ADN Munisípiu Covalima hodi halo observasaun direita ba progressu servisu fiziku, liga ho estrada, eletrisidade no beé mos, hanesan parte ida husi servisu fiskalizasaun Komisaun nian.

Iha Suku dato-rua ne'e rasik, iha mos postu saúde ne'ebe maka ho nia pessoal saúde nain rua (2) enklui ausiliária limpeza nain ida (1). Postu saúde neé mos sempre infrenta problema kona-ba atendimento ba pasiente sira ne'ebé maka partus tamba, pessoal saúde refere sempre hasoru difukuldades bainhira situsaun hanesan temi há leten mosu. Ho nune'e maka pessoal saúde iha fatin refere tenki haruka ba iha sentru saúde Fohorem tamba, postu saúde Dato-rua laiha facilidades hanesan eletrisidade ne'ebé maka bele responde lalais hodi ajuda halo tratamento.



Foto 1 : Postu Saúde Dato-rua



Foto 2 : Postu Saúde Dato-rua

Komunidade sira mos husu ba delegsaun Komisaun E ne'ebé trata ba assuntu Infraestruturas tenki buka dalan hodi hato'o preokupsaun komunidade sira ba Ministériu relevante hodi bele toma responsabilidade ba problema refere. Hatan kona-ba preokupasaun hirak neé maka, hanesan reprezentante povu sempre tau iha konsiderasaun hodi hakotu problema ne'ebé maka komunidade iha suku neé infrenta, liu husi reuniaun Plenária Ioron Segunda no Tersa-feira iha uma fukun Parlamentu Nasionál .



Foto 3 : Ring Eletrisidade no instalasaun liña eletrisidade ba uma komunidade sira nian ne'ebé konstrui husi Kompaña "RIVER-FATUBESSI"

V.2 Sorumtu ho Administradór Postu Administrativu Fohorem, no Komunidade sira;

Vizita delegasaun iha Postu Administrativu Fohorem, simu husi Administrador Postu no akompaña husi Ofisial Postu Administrativu no ekipa Tékniku Ministériu Obras Públikas no ADN Munisípiu iha oras 11h00 loran Kinta-feira, 13 Fevereiro 2020 ho abertura husi Prezidente Komisaun E, Deputadu Abel Pires da Silva, ne'ebé hato'o agredesimentu ba Administradór Postu nia disponibilidade hodi simu delegasaun iha Sorumtu refere, nomos hato'o katak, vizita fiskalizasaun neé, normalmente tenki liu husi autoridade, antes hakat ba terrenu hodi hetan informasaun.



Foto 4: Administrador postu konvida deputadus sira hodi hakat ba tur iha parte oin

Vizita delegasaun komisaun nian neé mos hanesan kumprimentu ida nudár autoridade nia koñesimentu. Nuneé delegasaun mos direitamente halo apresentasaun deputadu membru Komisaun E ba autoriedade.

Tuir mai delegasaun Komisaun E hakarak rona uluk informasaun kona-ba preokupasaun ka problemas no dezafius sira kona-ba Infra-estrutura bazika ne'ebé infrenta husi komunidade no neésessidades saída maka sai prioridade ba Postu Administrativu refere.

Administradór Postu Administrativu Fohorem iha ninia abertura hato'o bem-vindu no agradesimentu ba vizita distintus deputadus sira husi Komisaun Assuntu Infra-estruturas Parlamentu Nasionál, hodi haré direta situasaun real ne'ebé Komunidade sira infrenta;



Foto 5 : Sorumtu ho Administrador Postu Administrativu Fohorem

V.3 Sujestaun/Rekomendasauñ husi Administrador Postu Administrativa Fohorem

Iha sorumtu ida neé, Administradór Postu Fohorem mos hato'o preokupasaun kona-ba Assuntu Infra-estrutura báziku liu-liu ahi ne'ebé maka to'o agora seidauk lakan. Suku rua entre suku sira iha Munisípiu Covalima neé rasik seidauk hetan liña distribuisaun eletrisidade. Halerik ne'ebé Administradór Postu hato'o iha sorumtu ida neé hanesan informasaun ne'ebé pertinente tebes atu bele solusiona preokupasaun povu nian iha baze. Tuir Administrador Postu katak, partidus polítikus sira iha tempu kampaña, sempre mai halo promesa barak liga ho nesessidades povu nian maka hanesan;

estrada, eletrisidade no beé mos maibe, realidade iha terrenu lahanesan ona iha tempu kampaña eleitoral.



Foto 6 : Foto hamutuk ho Administrador Postu Administrativu Fohorem

eletrisidade no beé mos maibe, realidade iha Postu Administrativu refere nia preokupasaun liu maka eletrisidade.

V.4 Halo Fiskalizasaun ba Projeitu Estrada Tilomar-Fohorem

Projeitu estrada ne'ebé maka kontrui husi kompaña OPI-OP Construction Lda. ne'ebé tuir informasaun katak projeitu refere atinji ona 25% maibe, projeitu neé rasik la tama iha lista 143 ne'ebé maka Governu mensiona iha livru 3A Fundus Infra-estruturas.

V.5 Halo Fiskalizasaun ba Projeitu Auto-Estrada

Fiskalizasaun ba projeitu auto-estrada ne'ebé konstrui husi kompaña internasional tinan hirak liu ba iha Suku Labarai, nia kondisaun iha terrenu hahú naksobu, alkatraun nakfera, bronjong naksobu tamba, impaktu husi rai halai hodi prezudika movimentasaun transportes públikus. Tamba neé, Komisaun mos husu ba parte kompetente hanesan, Intituisaun Gestaun no Ekipamentus (IGE) atu bele toma inisiativa rumá hodi normaliza hikas fali sirkulasaun ba transportes publikus. Situasaun sira hanesan neé sempre akontese iha teritoriu Timor laran tomak, no presija tau atensaun sériu husi Governu, no labele dependênciá deit ba kompaña sira hodi tau todan ba Orsamentu Jeral Estadu (OJE).



Foto 7 : Kondisaun real Auto-estrada ne'ebé kontinua at daudaun

VI. KONKLUZAUN

Husi vizita ba Munisípiu Covalima ida neé, Komisaun E apresenta konkluaun hanesan tuir mai neé:

- A. Preokupasaun povu nian iha baze kontinua halerik tamba, instalasaun eletrisidade ne'ebé maka to'o ona iha populaun sira nia uma maibe kontinua laiha mudansa, tanba Ahi seidauk-lakan mesmu kompaña remata ona servisu;
- B. Iha estrada foun balun implementa ona maibe, seidauk iha kontratu no latama iza 143 projeitus;
- C. Projeitu auto-estrada nudar projeitu ho kategória mega projeitus ne'ebé financia husi fundus imréstimu maibe, actualmente seidauk iha mudansa ba progressu manutensaun.
- D. Jeralmente iha mudansa ba Progressu fíziku dezenvolvimentu Infra-estruturas iha Munisípiu Covalima durante tinan hirak nia laran maibe, iha mos obstaklu ka dezafius balun ne'ebé maka presija atu halo melloramentu;

VII. REKOMENDASAUN

- A. Rekomenda ba Governu atu halo liña koordenasaun diak liu tan ho kompaña sira ne'ebé maka implementa projeitu Infra-estruturas iha Munisípiu Covalima, liu-liu ba projetu estrada foun.
- B. Rekomenda ba Governu atu halo intervensaun imediata konaba ligasaun liña eletrisidade iha Suku Dato-rua tanba komunidade presiza tebes fasilidade eletrisidade ida ne.
- C. Rekomenda ba Governu atu halao fila-fali estudu ba fornesimentu be-mos iha Munisípiu Covalima husi be-matan iha Suku Dato-rua no mos Dato-Tolu, Postu Fohorem.

VIII. APROVASAUN

Relatóriu neé diskuti ona no aprovadu husi deputadus prezentes iha reuniaun Komisaun E iha sessaun realizada loron 20 Fevereiru 2020, ho hitu (7) votus a favôr, zero (0) votus kontra no zero (0) votus abstensaun.

Parlamentu Nasionál, 20 Fevereiru 2020

Prezidente Komisaun,

A Relatora,

Abel Pires da Silva, Ph.D.

Maria Anabela Sávio